

1695- 17
LECTIO PROOEMIALIS

DE 34-6-C-13- 159

Præstantia, & Nobilitate, & Antiquitate
Linguae Hebraicae

HABITA

A FRANCISCO GRISENDO ROMANO

*Pro initianda publica ejus Professione
de eadem lingua*

IN ROMANO SAPIENTIÆ LYCÆO,

ET DICATA

SS. D. N.

INNOCENTIO XII.

PONT. MAX.



ROMÆ, MDCXCVI.

Typis Francisci de Rubeis, & Francisci Mariæ Acsamitek.

SUPERIORUM PERMISSU.

INNOCENTIO XII

POPE

INNOCENTIO XII

POPE

INNOCENTIO XII

POPE

INNOCENTIO XII

POPE



SANCTISSIME PATER



RIMITIAE ex Hebraicæ linguæ
Cathedra, mihi collata ex TVA
humanitate, nemini erant dicandæ,
quam TIBI, BEATISSIME
PATER, qui destruis *Cathedras*

pestilentia, nempe hæreseos, & qui sedes super
Cathedram Moysi & Petri, & in *Cathedra Seniorum*,
videlicet Sanctorum Patrum, factus
es *Magister Catholica fidei in Schola Apostolo-*

Psal. 1.
Matth. 24.

Psal. 105.
Ex Theoph.
Raynaud. in
Onomaf.
Pontif.

rum: Præceptum in Veteri lege de offerendis Deo primitiis, in Nova etiam lege observandum duxi pro iis offerendis TIBI, qui Jesu, filii Dei, vices geris. Respice quæso ad hæc primogenia, quemadmodum *Deus respexit ad primogenia Abel*: cum hæc, TVAM exorantia benignitatem, primogeniam præferant linguam, qua locutus est Abel, & Adam. Benedicat dextera TVA agrum meum, ne sterilis fiat: sed uti ager Isaaci Patriarchæ germinet *Centuplum*: & veluti Paulus *secus pedes Gamalielis eruditus*, ita & ego secus TVOS pedes provolutus, humillima iis infigo oscula, in Te diligens Jesum, ac timens illud: *Qui non amat Dominum nostrum Jesum Christum, sit anathema.*

Gen. 4.

Gen. 26.

Act. 22.

I. Cor. 16.





LECTIO PROOEMIALIS.



RTIUM Professores, ut alliciant
suos Auditores ad studium earum
artium, quas profitentur, assolent
primùm de earundem præstantia,
nobilitate, & antiquitate differere.
Non secùs mihi, docturo linguam

Hebræam (ita disponente Deo, & jubente SS. D. N.
Innocentio XII.) non secùs, inquam, mihi agen-
dum videtur. Aggredior itaq; impositum mihi onus,
etsi agnoscam impares meas vires, ut pro dignitate
loquar, & satisfaciam Auditoribus meis. Quidquid
tamen afferam in hac procemiali lectione & in toto
decursu mei muneris, id pro litteratura Hebraica pro-
fiteor didicisse à q. D. Joanne Baptista Jona, olim He-
braici Professoris in hoc Lyceo, viri sanè in hujus-
modi scientiâ incomparabilis, & singularis, cui simi-
lem suspirabit Roma, & pro quo specialem lectio-
nem aliàs habiturum me promitto, ne tanti viri me-
moriam, & notitia penitus pereat.

Cum autem perpendam, linguam Hebræam esse
linguam populi miserrimi, infelicissimi, & ærum-
nosi, de quo, sicut nil boni dici potest ob durissimam
ejus

ejus cervicem, ita nec laudandus sit pro præstantia, nobilitate, & antiquitate linguæ, quæ utitur. At, posthabita nupera populi ignominia, consideranda est vetusta ejusdem nobilitas, profapia diffusa è maximis, & primævis viris, favores cælitus allati, ut saltem ob hæc, aliaque præterita non pigeat aliquantulum de lingua differere. Nec me, quin faciam, deterrent oppositiones ex hoc fortè loco progressuræ. Itaque animus est laudare linguam Hebræam, & quidem pro justitia; nec mihi propterea est animus flocifaciendi reliquas linguas, & præsertim Syram, quæ sola præsumit in palestram descendere, primamque palmam pro linguarum primatu illegitimè sibi usurpare.

Quanti faciant Hebræi Syriacam linguam, agnoscitur ex Talmude Hierosolymitano, in quo legitur; *אל יחי לשון מורסי קל בעיניך וכו' Ne sit vilis in oculis tuis lingua Syriaca*, cui honorem tribuit Deus in Lege, in Prophetis, & in Hagiographis: nam in lege legitur *ויר שחרותא* In Prophetis dicitur *כרנחאמרון* In Hagiographis scribitur *מלך ארמית* Et quamvis vulgare sit illud apud Rabbinos in Talmude Babylonico *לעולם אל ישאל אדם על צרכיו ארמית כי חטאל כלשון ארמית ואין מלאכי השרת נוקטין לו שום מלאכי השרת מבירין בלשון ארמית* *Nemo petat, aut oret Syriacè pro suis indigentibus: nam oranti Syriacè pro suis necessitatibus Angeli ministerii non adherent. Siquidem Angeli ministerii ignorant linguam Syriacam*, Et ita nequeunt preces ad Deum deferre. Id siquidem dictum reor, non
in de-

Fol. 21. 3.
ככ fol. 83. 4.

Gen. 31.

Jerem. c. 10.
Dan. c. 2.

in dedecus linguæ Syriacæ, sed ne in desuetudinem abiret Hebraica oratio, & ne solum Syriacè deprecarentur Hebræi. Quando quidem docent communiter Rabbinī, Josephum Patriarcham didicisse Septuaginta, idest omnes linguas, ab Archangelo Michaële, inter quas linguas Syriaca sanè recenseri debet, non ignota Michaëli Archangelo: Immo Hebræi dividunt Pentateuchum in plures partes, quas Latine *Sectiones* nuncupare possumus, Hebraicè verò *פרקים* Quælibet sectio, vel *פרק* Hebraicè primum in Synagogis legitur singulis Sabbatis, in quibus cadit quælibet sectio, postmodum verò legitur ibidem Chaldaicè translata, & sunt obligati Hebræi ad legendum Chaldaicè ab antiquis diebus: originem verò hujusce Chaldaicæ lectionis prætereo, ne prolixitate tedium inferam benignitati DD. Audientium. Et hæc dicta sunt pro honore linguæ Syriacæ ab Hebræis præstito.

Elias præfat. in Merthûhain.

Non desunt tamen aliqui ex nostris, affirmantes, linguam Syriacam jam diu corruptam esse, & oblitteratam, hodieque non vigere. Hi moventur ex eo, quia leguntur apud Daniele pueri Hebræi introducti in palatium Regium, ut discerent linguam Syriacam; quibus pueris Rex constituit Eunuchorum magistrum, ut eos doceret, *ספר ולשון כשדים* *Librum*, & linguam Chaldeorum: idest, linguam Chaldeorum in libris asservatam: non enim, inquit illi, opus erat, quod hujusmodi pueri instituerentur in lingua Syriaca vulgari, cum eam & usu, & consuetudine loquendi cum aliis, & nobilibus, & ingenuis pueris,

Jul. Bart. in Bibl. Rab. To. 3. p. 14.

Cap. 2.

in Re-

in Regio palatio versantibus, facillimè addiscere potuissent. Ita isti loquuntur, & an rectè loquantur, renuo judicem constitui, cum munus meum non sit loqui de lingua Syriaca, sed Hebraica, quæ sanè nullam hæctenus admisit corruptionem, uti præfertur de Syriaca.

Constans est enim, & universalis Rabbinorum assertio, in captivitate Ægyptiaca conservatam fuisse illibatam, integram, & incorruptam linguam Hebræam, prout in suis פְּרָקִים affirmat R. Eliezer Senior, qui vixit propè excidium Jerosolymitanum, & sequitur Benedictus Pererius. Idque clarè percipitur ex nominum impositione ab effectu. Siquidem clarum est, Mosen in Ægypto natum, projectum in Nilum, & ab eo salvatum per filiam Pharaonis, & inde à verbo מִשָּׁה, nempè *extrabere*, inditum esse nomen מֹשֶׁה. Postmodum Moses profugus ex Ægypto in Madian filium suum primogenitum nuncupavit *Gherfom*, teste sacro Codice, dicens, *Advena fui in terra aliena*. Alterum filium nuncupavit *Eliezerum*, inquiens: *Deus patris mei, adjutor meus* &c. Horum nominum etymologia optimè quadrat cum lingua Hebræa, in qua *Advena* dicitur גֵּר: & *Eliezer* cruitur ex iis verbis אֱלֹהֵי עֹזְרִי. Non ita pulchrè congruit lingua Syra cum horum nominum impositione. Nam quoad nomen Mosis ait. וְקָרָאתָ שְׁמֹהּ מֹשֶׁה. *Et vocavit nomen ejus Moses*, & dixit, *quia ex aquis שְׁהַלְחִי extraxi eum*. Ubi, quænam cognatio inter vocem Moses, & שְׁהַלְחִי *extraxi eum*?

Capire 48.
In מְכִילֶת
par. 5.
In Tanchū.
par. 5.
In Cantica
Cantic. pas.
In פְּסוּל
In Exod.

traxi eum ? Quàm bellè affinitas procedit inter משה, & משיח, nempe à משה *extrahere*, quia nempe extractum ex aquis. Ex ipso vocum sonitu arguitur earundem affinitas, & cognatio.

Deinde nulla est convenientia apud Syros inter nomen primogeniti Mosis; qui nuncupatus est מרסם Ghersem: quæ vox nullibi consonat cum Syro מרסם.

Audire tamen mihi videtur quidam Syrus hæc secum muslitans. Si hæc nomina filiorum Mosis non conveniunt cum lingua Syriaca, nec sanè convenit cum lingua Hebraica ipsum nomen Mosis, cum non sit Hebraicum, sed Ægyptiacum, teste Philone scribente. *Post hæc nomen ei datur ex-re ipsa, quod erat ex aqua salvatus. Nam Ægyptiorum lingua mos aqua dicitur.* Philoni concinit Fl. Joseph inquit. *Et quia projectus fuerat in flumen, ab hoc casu nomen sortitus est. Aquam enim Ægyptii Mo vocant, ises verò servatus. Quare composita voce ex utrisque nomen Mosi fuit inditum.* Eandemq; sententiam apud Hebræos secutus est Abrahā Avenezra, dicens, nomen Mosis esse traductum à lingua Ægyptiaca, in qua dictus fuit *Monios*, & ita invenisse in libro Ægyptiaco de Agricultura translato in linguam Arabam, & libris Sapientium Græciæ.

L. 1. de Vit. Mos.

L. 2. Antiq.

Exod. 2.

His tamen non obstantibus constanter assero, nomen Mosis esse Hebraicum, non verò Ægyptiacum. Et quoad Philonem respondeo, ipsum, etsi Hebræum, Hebraicam tamen linguam ignorasse: quare scribit Gilbertus Gaulmin, Gallus Hebraicè eruditus, de

quo loquitur Paulus Colomesius . Certè *Philo Hebraicè nesciebat, ut pridem à viris doctis observatum est* . Idemque de Fl. Josepho audiui ab Abrahamo Ecchellenfi, viro Syriacè admodum docto, & Syrarum litterarum in hoc Archigymnasio quondam Professore .

Quoad nomen Mosis clarissimè loquitur sacer textus, illud provenire à verbo משה . Dubium tamen est, à quonam impositum . Communiter dicitur à filia Pharaonis . Sed in hoc consistit error . Nam impositum fuit à Jocabed, Mosis genitrice . Nam verbum Hebraicum משה non est prima persona, sed est secunda persona feminini generis . Qui Hebraicè periti estis, consulite grammaticas vestras, & invenietis in verbis quiescentibus Lamed He, quod משה non est prima persona, adeo ut significet *Extraxi eum*, & intelligatur filia Pharaonis : quia ad hoc ut sit prima persona post Tau necessaria est littera Jod, quæ defecit in casu nostro, estque tantum sub littera ח punctum Chirich Chaton, qui non æquivalet Jod Gadøl .

Cap. 5.

Exemplum do . Legitur in שיר השירים Cantico Canticorum hoc verbum השב עתני *Adjurasti nos*: quod verbum est secunda persona masculini generis . Cum autem idem verbum referatur ad Sacram Sponsam, de qua fermo est in eodem cantico, ideòq; debeat esse feminini generis cum affixo masculino, hinc Salomon Ben Melec notat, errorem grammaticalem ibidem esse, & sub ח Tau punctandum Chirich Cha-

יכלול ימי ח

thon

thon, cùm verbum sit secunda persona fæminini generis. Idemquæ verbum, & eodem modo punctatum reperitur apud Josve, idemque Author ait emendandam cum Chirich Chathon sub η Tau, cum referatur ad Raab, quæ domi suæ susceperat exploratores Hebræorum pro terra promissa, ideoque sit fæminini generis. Ergo pariter verbum de Mose מֹשֶׁה crit verbum secundæ personæ fæminini generis cum sub η Tau adsit Chirich Chathon, & post η Tau desit littera Jod, cujus deficientia operatur, ne significet *extraxi eum*, sed *extraxisti eum*. Cap. 2.

Ego nō sum inventor novæ sententiæ, & ut loquar cum Salomone, *Stultissimus sum virorum & sapientia hominum non est mecum, non didici sapientiam, & novi scientiam Sanctorum*. Pro supradicta sententia ad stipulatorem habeo Jo. Leusden, peritissimum Hebræicæ linguæ Professore, ut norunt omnes, in Academia Ultrajectina, qui in Spicilegio Hebraico ait. *Nomen Mosi non est origine Ægyptiacum, sed Hebraicum. Quisnam vocavit eum מֹשֶׁה Maternè, an filia Pharaonis? Mater*. Exod. 2. 10. *Et vocavit*, scilicet mater ejus Jocabed, nomen ejus מֹשֶׁה, *Et dixit (mater) quia ex aquis extraxisti eum*, nempe tu filia Pharaonis. *Nam (nota bene) מֹשֶׁה est secunda persona fæminini generis cum affixo masculino, non verò prima personæ, quia deest Jod post Tau*. Quid clarius dici potest? Textui adhæreo, litteram sequor. Qui repugnat, regulam grammaticalem refellat. Nec quis dicat: Omnes contradi-

cunt huic explicationi. Novi, quod omnes contradicant: sed videndum, an jure contradicant. Grammatica tuetur meam expositionem, & alienam reycit. Si fallor, diruendum est prius fundamentum grammaticale, idque erit impossibile.

Dicet non nemo: quomodo filia Pharaonis, dum erat Agyptia, imposuit nomen Hebraicum. Respondet Abenezra: לטרה לשונו *Didicerat linguam nostram*. Grande decus esset linguæ Hebraicæ, ut filia Regis eam didicerit, præsertim, cum pater persequeretur nationem Hebræam, eamque odio prosequeretur. Quamobrem inverisimile ducitur, quod filia didicerit linguam gentis patri odiosæ: ideoque probabilior videtur altera ratio ab Abenezra reddita, videlicet, או שאלה *Vel inquisivit*, quonam nomine erat vocandus. Quoniam Hebræi in ואלה שמות רנה dicunt, quod Mosis genitrix lactaverit filium suum per biennium, & interim vero consonum est, quod pluriès reportaverit infantern Mosem ad filiam Pharaonis, quæ illum diligens, amplectabatur, & osculabatur, & tunc inquisivit à matre de nomine, imponendo ab effectu secuto, materque dixit, nuncupandum esse משה à verbo משה *extrahere*, nomenque approbavit filia Pharaonis: & propterea dicitur in textu: & vocavit, scilicet mater Mosis, nomen ejus, משה, quia tu filia Pharaonis משהו *extraxisti eum*.

Itaque nomen Mosis fuit origine Hebraicum, & non Agyptiacum, & approbatum prius à filia Pharaonis

raonis , & deinde à Deo, secus verò alia nomina, quibus vocatus fertur Moses , nempe Melchi , Joachim, Adamosi, Tetmosi , & similia apud Eusebium Cæsariensem , Cedrenum , & Clementem Alexandrinum, quibus addi potest nomen יקותיאל , de quo in libro *וַאֲמַר קִרְאוּ לוֹ יְקוֹתְיָאֵל בִּי* hæc referuntur רבנו הימים של משה הנקתהו משדיה *Et mater ejus vocavit illum Jecuthiel, eo quod suis uberibus eum lactasset.* Sed liber ille, tamquam apocryphus reiicitur ab Abenezra, dicente. *Et quidquid scribitur in Chronicis Moysi, ne credas.* l. 10. Præp. Evangel. In Annal. l. 1. Stromm.

Sed insurget adversarius , prætendens aliundè arguere corruptionem linguæ Hebraicæ in Aegypto , nempe ex verbis Jacobi Patriarchæ , qui in benedictione præstita filiis suis Levi , & Simeon dixit. *Simeon, & Levi fratres, vasa iniquitatis bellantia.* quæ postrema verba Hebraicè dicuntur כלי חמס מכרותיהם *Instrumenta iniquitatis macheræ eorum ;* uti nonnulli apud nos traducunt . Et verbum מכרותיהם non Hebraicum , sed Græcum à μαχαιρα, apud Hebræos affirmat R. Eliezer Senior, qui scripsit *Maledixit eorum gladium lingua Græca.* Ergo infert adversarius, in Aegypto, ubi viguit lingua Græca , corrupta fuit lingua Hebræa , Græcas voces admiscens. Genes. 49. In פרקים c. 38.

Huic obiectioni respondeo cum alio textu Sophoniæ Prophetæ , qui ait. *וְיָגוֹי מְמוּעָד אֶכְפֹּתַי מִמֶּךָ* ubi Cap. 3. D. Hieronymus asserit, verbum illud וְיָגוֹי esse Latinum, non secus ac nos Latini dicimus *Nugæ, nugarum.*

Et

Et scribit ille. *Id, quod diximus Nugas, sciamus in Hebræo ipsum Latinum esse sermonem* נוג, & propterea à nobis ita, ut in Hebræo erat, positum, ut nosse possimus, linguam Hebraicam omnium linguarum esse matricem. Ex quibus verbis habetur, verbum נוג apud Sophoniam esse Latinum, non quia non sit verbum Hebraicum, sed quia similatur verbo Latino *Nugas*, eo quod lingua Hebræa sit mater omnium linguarum.

Non secus dicendum est de verbo Machæra: non quia verbum istud non fuerit Hebraicum, sed quia similatur verbo Græco, quod postmodum Græci acceperunt ab Hebraica lingua, eo quod ipsa sit matrix omnium linguarum. Hanc veritatem fatetur Cornelius à Lapide, inquit. *Hoc valdè appositum est, videturque nomen Machæra, uti & alia multa Latina, & Græca, ab Hebræis descendere, licet id neget Eugubinus.* Itidem fatetur Jacobus Bonfretius dicens. *Vox Hebræa מכרה, à qua, videtur Græca vox μαχαίρα sumpta.* Prædictis concinit Martinus Delrius loquens de eadem voce μαχαίρα. *Græci videntur hac significatione vocem amplexi, & linguam Hebræam constat esse aliarum linguarum matricem.*

Pari pacto dicendum de verbo נוג apud Sophoniam, quod vere sit Hebraicum, licet simile Latinæ voci: adeo ut Glassius vehementer invehatur in D. Hieronymum, tanquam imperitum linguæ Hebraicæ, dum putavit, verbum illud נוג apud Sophoniam esse

esse Latinum. Ego verò non culpo D. Hieronymum, cujus dicta non respuo in verbo Hebraico מָוּ, & pro quo ex aliis argumentis habeo, ipsum fuisse peritissimum linguæ Hebraicæ. Nam licet מָוּ fit consonum Latino verbo in vocis prolatione, dispar tamen est in sensu: nam apud Hebræos significat homines mæstos, & afflictos à verbo מָוּ *mæstitia affligere, & afficere*. Hinc in Trenis dicitur מָוּ מָוּ מָוּ *Virgines ejus squallide, seu mæste*.

Cap. 1.

Integritas igitur linguæ Hebraicæ non fuit vitata in captivitate Babylonica. Nonnullam tamen corruptionem accepit in captivitate Babylonica, in qua per septuaginta annos viventes Hebræi assumpserunt linguam Chaldeam, eaque usi sunt Jerosolymis pro vernacula lingua, qua etiam Christus Dominus usus est juxta Hebræorum morem, ut ostenditur ex iis verbis Evangelicis, *Effatha, quod est adaperire, Talitha Cumi hoc est Puella surge, Boanèrges, id est Benè rangàs, filii tonitrui, Rabboni, quod est interpretatum Magister, Cepha, hoc est Petra, & ex aliis, quæ apud Hebræos ex Evangeliiis congerit R. Azarias de Rubeis, & præcipuè ex illis verbis D. Lucæ, qui loquens de Judæ proditoris suffocatione scribit. Notum factum est omnibus habitantibus Jerusalem, ita ut appellaretur ager ille lingua eorum אָגֶר דָּמָא Ager Sanguinis. Vbi notanda sunt ea verba, lingua eorum, hoc est Chaldaica, qua utebantur Hebræi.*

Fateor aliquam corruptionem ab Hebræis habitam in urbe Babylonica: dixi aliquam, quia non

fu-

In lib. מָוּ
כִּיכָא cap. 9.
pag. 52. à
tergo.
Act. 1.

fuit totius populi corruptio, sed *עם כולו* *plebis*, & *vulgi*, ut loquitur præfatus Azarias: quandoquidem apud Sapientes, & doctos remansit integra lingua Hebræa, uti constat ex Talmude Jerosolymitano, ut pote Jerosolymis composito, cujus lingua Hebraica admixta est cum aliquibus dictionibus Chaldaicis: & plenius constat ex Ghemara, nempe explicatione, & complemento addito à Rabbinis Talmudi Babylonico, quod est pura lingua Hebraica præter Maamarim.

Cap. 5.

Sed lingua Syra, penitus apud doctos etiam, corrupta fuit tempore Danielis. Id siquidem demonstrat visio manus scribentis in pariete hæc tria verba, *Mane, Techel, Phares*, pro quibus verbis dicitur apud Daniele. *Exclamavit itaque Rex fortiter, ut introducerent Magos, Chaldaeos, & Aruspices. Ingressi autem Sapientes Regis non potuerunt nec scripturam legere, nec interpretationem judicare Regi.* Non me latent Rabbinorum rationes, ob quas Chaldaei nequiverint legere scripturam: sed rationes omnes sunt divinatoriae: certum est, quod Scriptura erat Chaldaica, nam Rex Baltassar non jussisset introduci Chaldaeos pro Scriptura interpretanda: & impossibilitas lectionis aliunde oriri non potuit, nisi ex ignorantia tunc temporis linguae Chaldaicae, etiam apud doctos Chaldaeos.

Majus itaque præjudicium quoad linguam attulit Hebræis captivitas Babylonica, quæ duravit septuaginta annis, quàm captivitas Aegyptiaca, quæ duravit bis centum, & decem annis: quia lingua Chaldea

erat

erat filia linguæ Hebrææ, ideoque facilis fuit ex Hebræo in Chaldæum corruptio. Sed lingua Aegyptiaca plurimum discrepabat à lingua Hebraica: quomobrem David loquens de Iosepho in Aegyptum translato, cecinit: *Linguam, quam non noverat, audivit.* Et Aegyptiacam linguam idem David *Barbaram* nuncupavit, alibi dicens. *In exitu Israel de Aegypto, domus Jacob de populo barbaro.* Hebraicè *בית יעקב מן העם הזר* de populo alienæ linguæ, quia lingua Sancta non loquebatur; ut explicat R. Salomon. Huc refertur illud D. Pauli. *Si nesciero virtutem vocis, ero ei, cui loquar, barbarus.* Sic Græci olim vocabant *Barbaros*, quotquot non utebantur lingua Græca, nisi quod tandem ab ea appellatione Romanos exemerint. Non ita proceditur cum lingua Syra, quæ nunquam *Barbara* nuncupata fuit, utpote filia linguæ Hebraicæ: & quod communiter asseritur, à D. Matthæo scriptum esse Evangelium Hebraicè, non intelligitur scriptum fuisse ea locutione, quæ invenitur in sacris Bibliis Hebraicis, sed Hebraicè, id est Chaldaicè, quemadmodum ejus evo communiter loquebantur Hebræi.

Nec officiunt ea verba D. Matthæi *Aceldama*, Cap. 27. hoc est, *Ager sanguinis*; nam si scripsit Syriacè, frustranea esset ejus verbi interpretatio, quod Syriacè dictum idem significat. Nam hujusmodi interpretatio non est apposita à D. Matthæo, sed ab interprete ejus Evangelium in Græcum transferente. Quemadmodum & illud *Emmanuel*, quod est interpretatum, Cap. 1.

Excd. 12.

nobiscum Deus. Non secus ac illud in textu Latino, *Phase*, hoc est, *transitus*. Siquidem in textu Hebraico deest hujusmodi interpretatio, nam *non* est *Transitus*, ideoque addita est ab Interprete Latino. Ceterum in Syriaco D. Matthei Evangelio deest illa vox *Aeldama*, cujusque interpretatio, uti videri est in Bibliis Polyglottis.

Tom. 5. pag.
144. & Bi-
bl. edit. ab
Arias Mon.
tano.

Ex dictis colligitur, quod lingua Hebræa sit matrix omnium linguarum, quia ipsa fuit lingua primæva, & quam locutus est Adam, idque perspicuè probatur. Quandoquidem Adam dictus est ab Adamà, terra rubra, & Heva post partum Cain dixit: *posse- di hominem per Deum*: siquidem nomen Cain provenit ab Hebraico verbo *נָפַץ* *posse- dit*.

In Genes.

Sed inquiet aliquis: hæc communia sunt cum lingua Syra, ergo nulla probatio. Quare apud nos Theodoretus, Cyri Episcopus, quærens, quænam lingua sit antiquior, respondet: *nomina ipsa indicare*. Adam enim, & Cain, Abel, & Noe, propria sunt lingue Syriacæ. Syrorum enim mos est, terram rubram appellare Adam, &c. Hæc sanè communia sunt cum lingua Hebræa, & Syriaca: cum lingua Hebræa, quia sunt ipsius propria: cum lingua Syriaca, quia desumpta ex lingua Hebræa.

Sed afferam unum, solum communicabile cum lingua Hebræa, & incommunicabile cum lingua Syriaca. Quod namest illud? Illud sanè, quod refert Sacer Codex de Adamo, quod Hevam nuncupavit mulierem, eo quod sumpta esset de viro. Hebraice di-
citur

citur. *Hæc vocabitur mulier, quia de viro sumta est.* Ut intelligatur mysterium, sciendum est, quod Vir apud Hebræos inter reliqua nomina dicitur *איש*, mulier dicitur *אשה*. Dixit ergo Adam. Hanc sociam, quam mihi dedit Deus, nuncupo *אשה* mulierem, quia de *איש* Viro sumta est. Ergo, quia de viro, nempe *איש* sumta fuit Heva, ideo Adam eam appellavit *אשה*, nempe mulierem. Et notanda est cognatio, & affinitas inter has voces *איש*, & *אשה* Virum, & Mulierem. Inveniturne hæc consonantia, & cognatio inter Virum, & Mulierem apud Syros? minime gentium. Nam Syri vocant Virum *Gabro*, à qua voce non fit *Gabrathà*, nempe *Mulier*, quæ apud Syros dicitur *אחתה*: & inter *Gabro*, & *Ithethà* nulla intercedit vocum affinitas, prout intercedit inter *איש*, & *אשה*.

Respondet Syrus, etiam à *Gabro*, idest Viro, dici posse *Gabrathà*, nempe *Mulier*. Hoc pernegant Talmudici, dicentes. *שמעת מימך גברא גברתא Audisti ne unquam à Gabro Gabrathà?* Talmudem reiicio cum Ecclesia Catholica. At hic non agitur de re ad fidem spectante, sed de dictione. Consulantur Scindlerus, & Buxtorphius, qui in eorum lexicis Rabbinicis, & Syris nullam ponunt derivationem *Gabrathà* à *Gabro*, quam sanè non prætermisissent, si adesset huiusmodi derivatio. Et non ita stolidos, & mente captos reor fuisse Talmudicos, ut hæc scribentes in meditullio Chaldææ, hoc est in urbe Babylonica, voluerint sese exponi omnium Chaldæorum cachinnis,

In פ' par.
18. n. 1.

& derisui, & sese mendaces ostendere, si à *Gabro* profueret *Gabratbà*. Si dici potest, detur exemplum. Sacra Biblia sunt tota Chaldaicè translata: detur exemplum, mulierem dici *Gabratbà*. Si non invenitur, liquet, dici non posse.

Antequam ulterius progrediar, liceat mihi argutiam afferre ex Abenezra, qui notat in hisce duabus vocibus *אֵשׁ*, & *אִשָּׁה* inveniri unum ex Dei nominibus, videlicet *אֵ*, cujus prima littera, nempe Iod, adest in *אֵשׁ*, altera vero, nempe *ה* in *אִשָּׁה*, ad significandum, quod Vir, & Mulier debeant secum semper habere Deum. Quod si Deum non haberent, quid sequeretur? Auferatur ex iisdem vocibus *אֵ* Dei nomen, & utraque vox remanebit *שׁה*, quæ significat ignem, ut doceatur, quod si inter Virum, & Mulierem non adsit Deus, adest ignis, nempe discordia, rixæ, aliaque mala. Hæc argutia olim à Poeta Latino expressa fuit sequenti epigrammate de *אֵשׁ*, & *אִשָּׁה*

Littera si decima hoc in bino nomine quinta

Jungitur, ecce Dei nomen habere vales.

Si divum demes è bino nomine nomen,

Quid reliquum bini nominis? ignis erit.

Vir, Mulierque Deum foveant: si numen utrique

Deest, ignem subito Vir, Mulierque foveant.

Huic accinit illud

Non miror, malè convenire secum

Vxor pessima, pessimus maritus.

& hæc dicta sint parergon gratia.

Iterum insurgit Antagonista, obarmatus præ-
tense

tenso argumento solum communicabili lingue Syrach, & incommunicabili cum lingua Hebræa, desumpto ex iis Adami verbis. *Et vocavit Adam nomen uxoris sue Hevam, eo quod mater esset cunctorum viventium.* Ex quibus verbis eliciunt Interpretes Hevam significare *Vitam*, eo quod ipsa futura esset mater omnium viventium. Porro *Vita* Syriacè dicitur חיה, & Hebraicè חַיָּה : & vox חיה est uniformior cum voce Heva præ voce חַיָּה, ergo Adam locutus est Syriacè, & non Hebraicè.

Hoc argumentum Syri ducunt validissimum, & insuperabile, sed apud Hebræos est insulsum, & frigidum. Non dicam rationem redditam à R. Salomone, ob quam Heva dicta fuit חַיָּה, & non חַיָּה, nempe

על שחיה חיה דכרנית ומצפצפת ודברה עם הנחש דברים שלא לצורך
ש. נתחשה בדבריו וחטאת וחטאתה לבקלה על כן קראה שמח חיה

Eo quod loquatula, & garrula fuerit, locutaque sit cum serpente verba inutilia, donec comprehensa est in verbis ejus, & peccavit, & peccare fecit suum maritum, propterea vocavit eam Chavàm. Hæc autem ratio, ut verum fatear, non est solida : nam dicta est חַיָּה, quia futura erat mater omnium viventium, non quia locuta est cum serpente.

Pro adæquata responsione supponendum est, quod Hevæ nomen propriè, & adamussim dicendum fuerat Hebraicè חַיָּה, nihilominus in lingua Sanctæ litteræ חַיָּה sunt invicem, & inter se permutabiles, & una pro alia legitur. Ita placuit Spiritui Sancto in Bibliis Hebraicis hæc litteras permutare : & si quis hoc

nega-

negaret, ostenderet se penitus Hebraicè nescire, & nunquam perlegisse Sacros Codices in lingua Hebræa. Inter eas litteras permutabiles sunt Iod, & Vau, quarum unaquæque pro altera sumitur, & legitur. Id Hebraicè perito constat manifestè, & de hoc non disputandum. Hinc Vau in חן legendus est pro Iod, ut verbum dicat חן, & non חנ. Vnde scribit Cornelius à Lapide. *Heva Hebraicè est חן vivens, aut potius vivificans, à radice חן, idest vivit, eo quod futura esset mater omnium viventium.* Et prius scripserat Aloysius Lippomanus. *Dicitur à Caià, sed Iod in Vau commutata, sicut alibi pluribus in locis contingit, quippe quæ fuit omnium viventium mater.*

Obiicitur quod si pro Vau in nomine חן legendus esset Chaià, & non Hevà, Translator Latinus traduxisset Heia, & non Heva. Sed respondetur, cum eodem Lippomano, quod in hoc nomine orta est aliqua confusio: nam sicut in textu hebraico dicitur חן sic Latine dicendum esset Havà, & non Hevà, quemadmodum A commutatum est in E, ita pro Iod accepta est littera Vau. Quid clarius? neque verum est, vitam apud Syros dici semper Chavà: nam dicitur etiam חן. Ideoque non necessario probatur, Adamum dixisse Chavàm, potuit enim dixisse Chaià. Et licet dubium foret, utrum protulisset Hebraicè, vel Chaldaicè, præsumptio esset, quod Hebraicè, ut hoc verbum uniformaretur cum חנ, prout superius diximus.

Ergo satis superque compertum est, quod Hebraica

braica lingua fuerit primæva, quamque locutus est Adam. Propterea corrumpit concertatio inter Aegyptios, & Phryges de eorum antiquitate, adeo ut elegerint puerum recens ortum, eumque consignaverint cuidam pastori nutriendum, ut observaret primam vocem ab infante promendam, quæ fuit *Becus*, significans panem apud Phryges, qui hac de causa fuerunt contentione victores, ut narrat Herodotus, & cecinit Claudianus.

In Euterpe.
Advers. Eutrop.

Dat cuncta vetustas

Principium Phrygibus, nec Rex Aegyptius ultra

Resistit, humani postquam puer alitis expertus.

In Phrygiam primam laxavit murmura vocem.

Sed Suidas hæc deridet, prout & eam vocem *Becus* primum editam ab infante educato inter balantes ovium greges. Siquidem huiusmodi experimento cognosci nequit primogeniam linguam, quæ non fuit naturalis, sed Adamo infusa: alioquin muti, & surdi naturaliter loquerentur Hebraicè, quod tamen non videtur.

In Histor.

Itidem poeticum credi licet illud Statii de Arcadum antiquitate

Arcades hinc veteres astris, Lunaque priores:

Illud etiam Virgilii

Arcades ipsum

Credunt se vidisse Jovem

Siquidem Sacre nos docent pagina, neminem Adamo vetustiore, & Præadamitarum error jam profligatus est.

Lib. 4.
Theb.

Lib. 8. Æneid.

Hebraicà igitur lingua imposita fuere nomina cunctis animalibus, eorum naturam, essentiam, & qualitates duntantia. Hęc eadem lingua prius adhibita fuit ad Dei cultum, eamque primùm adhibuit Enos ad concinendas divinas laudes, eademque cum sobole propagata fuit usque ad Heber, à quo Abram denominatus fuit Hebræus, juxta illud: *Nunciatum est Abram Hebræo.*

Gen. 14.

Lib. 1. de
consens. E-
vangel. cap.
14.

Lib. 2. Re-
tract. c. 14.
In Genes.
cap. 14.

Novi hujusmodi denominationem ab Augustino deduci ab Abraham quasi Abrahæo. Sed refellit hanc opinionē Scriptionis modus, qui in Abraham litteram initialem facit א, & in Hebræo, & Heber facit ה. Fortè hac de causa sententiam hanc retractavit S. Augustinus. Et si aliter senserit S. Jo: Chrysostomus quod parentes Abrahami tale nomen ab initio indiderint, significantes, illum inde migraturum trans Euphratem, & in Palestinam venturum. Talis enim transmigration non innuitur ex nomine Abrahami, sed ex Heber, ut norunt Hebraicè periti.

Hinc Rabbini duplicem dant rationem, ob quam Abraham denominatus fuit Hebræus: videlicet ר' נחמיה אמר שהוא מכני בנו עבר ורבנן אמרי שהוא מעקר ומשיח R. Nehemias ait, quia Abraham erat ex posteris Heber: sed magistri nostri dicunt, quia erat transfluvialis (nempe veniens in Mesopotamiam transierat fluvium Euphratem), ו' quia loquebatur Hebraicè. Rationē transfluvialis amplexi sunt septuaginta Interpretes illud Hebræo transferentes תו תרגמו Euphræo.

In fol.
47. 1.

Sed utraque oppugnatur ratio ab adversariis, nimirum quia Abraham non Hebraicè, sed Chaldaicè locutus sit: nam in lib. Judith asserit Ochior Ammonites, quod populus Hebraicus proveniat ex progenie Chaldæorum: quod utique verificari nequit, ni Abraham proveniret ex Chaldæis. Et videtur confirmari ex Ghemarà; à qua requiritur causa, ob quam Judæi fuerunt captivi in urbe Babylonica, & respondetur ibidem, & alibi: quia ablegavit eos Deus in domum matris suæ, videlicet, quia Abraham in Babylone natus erat.

Tr. פסוקים
cap. 10.

Tr. תנא
5. Tana
והוא & in
c. 38. &
44.

Et si non illic fuit Abrahami patria, certè in Vr Chaldæorum constitui videtur ab Abenezra, & Abrahamello. Hinc sæpius dicit Deus in Sacris Bibliis ad Abraham: *Qui eduxi te de Vr Chaldæorum*. Quæ verba urbem aliquam Chaldæorum innuunt, unde alibi dicitur. *Assumpsit autem Terac Abraham, filium suum, & Loth filium Aram filii sui & eduxit eos de Vr Chaldæorum, ut irent in terram Canaan*. Sed urbem fuisse negat historia à Majemonide relata in More Nevochim, & alibi, in qua dicitur, Abrahamum, ob cultum unius Dei à Nembrodo injectum in ignem qui Hebraicè dicitur etiam *Vr*, à quo venit Latinum *Vro*, & inde per Angelum à Deo creptum & liberatum, utipostea factum est Ananiæ, Misaëli, & Azariæ. Quæ Historia seu quod factum non rejicitur apud nos à D. Hieronymo, & confirmatur apud Vulgatam in libro Esdræ ubi dicitur: Deus, qui *elegisti Abram, & eduxi, cum de igne Chaldæorum*:

Aben. in
Genes.
Abr. in Ge-
nes. p. 22.
col. 2.

L. 3. c. 29.
Jalcus 1. p.
ar. 60. 67. 77.
R. Eliez. in
p. 22 c. 26.

2. 99. Heb.
In Efd. 9.

& Ecclesia Catholica constitetur in commendatione Agonizantis, pro quo orat: *qui liberaſti Abram de igne Chaldaeorum.*

Concedimus quidem, quod Abraham, priusquam habitasset in Charran, habitaverit in terra Chaldaeorum, apud nos dicente D. Stephano. *Deus glorie apparuit patri nostro Abrabæ, cum esset in Mesopotamia, priusquam moraretur in Charran, & dixit ad illum: exi de terra tua, & de cognatione tua, & veni in terram, quam monstravero tibi & tunc exiit de terra Chaldaeorum.* Et concinit Josue dicens. *Patres vestri habitaverunt trans fluvium,* idest *trans Euphratem.* Et idcirco Abraham intelligitur Chaldæus ex habitatione, non verò ex sanguine Chaldaeorum. Quemadmodum Doeg Hebræus in sacris paginis vocatur Idumæus, non quia fuerit ex progenie Idumæorum, sed quia diu manserit in Idumæa *גֵר בְּאֶרֶץ אֱדוֹם לְבִיכָר קְרָא אֱדוֹם* *Peregrinatus est in terra Edom, idcirco eum vocat Idumæum,* inquit R. D. Kimchi; qui aliis exemplis id comprobat, nempe Uriæ, qui nuncupatus est *Hethæus*, & Ithra nuncupatur *Ismaelites*, & Athai nuncupatur *Gethæus*, de quibus nomenclaturis, nempe Hethæo, Ismaelite, & Gethæo addit idem Kimchi *עַל שֵׁם מְקוֹמָם שֶׁהָיוּ גֵרִים בָּהֶם* *Attribuuntur propter nomen locorum, in quibus peregrinati sunt.* Et certum est ex fide, quod Ochior Ammonites dixerit hæc verba, *Populus iste est ex progenie Chaldaeorum:* nam sacer textus refert hæc verba, utpote dicta ab eodem Ochior, non quia

Act. 7.

Cap. ult.

I. Reg. 21.

I. Reg. 11.

I. Par. 7.

II. Reg. 15.

quia vera, & certa, ut interpretatur Celada, Similit-
ter exponitur illud dictum Rabbinoꝝ de nomine
אברהם, videlicet אב לְאֶרֶם *Pater Synorum*. Hoc enim
intelligitur, quod Abraham converterit ex idolola-
tria ad agnitionem unius Dei Chaldaos, à R. Jona-
than dictos אֱלִילִים idest אֱלִילִים *quasi demones*.

In Tr. נחמיה

Opponitur, quod Charran fuerit patria Abra-
hami, quia in sacris litteris nuncupatur *terra nati-
vitatibus Aram*, fratris Abrahami. Sed quod Char-
ran fuerit patria Aram, fratris Abraham concedi-
mus, de Abrahamo negamus.

Tandem obijcitur, quod lingua Hebræa non
fuerit lingua specialis familiæ, scilicet Abrahamitica,
sed fuerit lingua naturalis, & communis in regione
Canaanitide. Unde dixit Isaias. *In die illa erunt
quinque civitates in terra Egypti loquentes linguam
Canaan*. Quod adimpletum dicunt Rabbini, cum
Onias, frater Simeonis Justi ædificavit templum Ale-
xandriæ, ut narrat Fl. Joseph, & Hebræi illuc concur-
rentes, loquebantur linguam Canaan, idest Hebræam.

Cap. 19.

L. 13. c. 4.

Identitatem linguæ Hebrææ & Cananæ demon-
strarunt binæ columnæ in Tingitana Africæ provin-
cia, à Procopio relatæ, in quibus referebatur perfu-
gium Cananæorum in Africam quos Josue in ingres-
su in Palestinam eiecerat: Tandem Plautus in Co-
mædia, cui Tit. *Panulus*, refert plurima verba, non
dissona à lingua Hebræa, quæ congerit, & exami-
nat, probatque Samuel Bochartius.

L. 26. Van-
datic. Sel-
den. de Diis
Syris p. 12.

In Canaan.

Ad textum Isaiæ respondetur, quod vel adimple-

ta est illa prophetia tempore secundi templi; quando ædificatum est templum Alexandriæ ab Onia; vel tempore D. Marci ob prædicationem Evangelicam in Ægypto, ut communiter asserunt Catholici. Si primum accipitur; illa verba לשון כנען lingua Canaan, explicat Rasei ושבתי חתים ושבתי ישראל לשון ישראל ושבתי כנען *Habitatores illarum civitatum (in Ægypto) discunt linguam Israëlitis habitantis in terra Canaan, idest linguam Syriacam, usitatam eo tempore ab Hebræis secundi templi.* Vel intelligenda sunt verba Hsaiæ juxta Catholicorum expositionem, & pro lingua Canaan exponendus est sermo Evangelicus, ibidem prædicatus à D. Marco. ergo lingua Canaan interpretanda est vel pro lingua Syriaca, vel pro eloquio Evangelico, non verò pro lingua Hebræa.

Præcipuè quia non latet differentia inter linguam Canançam, & Hebræam, quas non easdem, sed tantum confines asserit D. Hieronymus, & addit D. Augustinus. *Cognate sunt, & vicinæ Hebraicæ, Punicæ, & Syriacæ & alibi ait. Nā & ipse Christus à Chrismate appellatur, id est ab unctione.* Hunc Hebræi dicunt Mesiam, quod verbum Punicæ linguæ consonum est, sicut alia Hebræa per multa, & penè omnia. Sed ignoravit sensum vocis Hebraicæ, Osanna, quæ tamen refert ex aliena relatione eorum, qui noverunt linguam Hebræam. Quare non arguitur identitas lingue. Tandem D. Hieronymus scribit, *Tyri & Sidonis in Phœnicis littore civitatum Carthago Colonia; unde & Pœni sermone corrupto, quasi Phœni appellantur, quorum lingua*

Isa. 19.

In Jo. c. 15.
L. 3. cont.
litt. Petil.

Tr. 52. in Jo.

Comm. 5. in Hier.

lingua Hebræe linguæ magna ex parte confinis est. Ergo sicuti lingua Tyriaca non est Hebraica, ita nec Punica est Hebraica, sed cognata, & affinis. Quare statuendū cum Gerardo Jo. Vossio, *Linguam Cananeam, & qua utebantur Israëlites, discrepare dialecto, sicut differunt Hollandi inter se, vel iidem à Flandris saltem non amplius quàm Germani superiores ab illis, qui Belgicum incolunt.* De progressu hares. l. 3. c. 44.

Non secus ac Galilæi, licet Hebræi, plurimum dialecto discrepabant ab Hebræis Jerusalem incolentibus: unde ministri dixerunt D. Petro: *Galilæus es tu: nam & loquela tua manifestum te facit.* Et ex Talmude optimè noscitur, qualisnam fuerit sermo Galilæus, qualis profecto hodie sermo Januensis à reliquo sermone Italicarum gentium, quamvis Janua sit Italiæ civitas.

Nihilominus hiscè non obstantibus adhuc contenditur, linguam Abrahamiticæ familiæ fuisse Chaldæam, ex eo quod Laban, ex cognatione Abrahami, propter impositum nomen lapidum acervo, illum nuncupaverit Syriacè *אכרוב* *Acervus testimonii*. Et oppositores non advertunt, quod Jacob, nepos Abrahami, illum nuncupaverit Hebraicè *אכרוב* *Acervus testimonii*. Quam nuncupationem fecit uterque *juxta proprietatem lingue sue*, addit sacer textus. Inquirō, an hæc proprietas linguæ oriebatur ex speciali familia, vel ex regione, in qua quisque vivebat. Jacob quidem nuncupavit Hebraicè non ex proprietate regionis, quæ erat Mesopotamia, cujus sermo

Gen. 31.

sermo erat Syriacus, ideoque ea vocabatur *אֶרֶם נְבָרִים* Syria duorum fluminum, nempe Euphratis, & Tigris. Ergo juxta regionem nuncupavit Laban, & consequenter Chaldaicus sermo ex regione, non ex profapia ei obveniebat.

Cap. 7.

Pl. 136.

Ibidem.

Tandem, ne diutius detineam benignitatem meorum Auditorum, memor sum proverbii in Ecclesiaste: *Melior est finis orationis, quam principium.* Finem apponam lectioni, solum addens suavitatem, linguæ Hebraicæ, expressam iis verbis apud Davidem. *Cantate nobis de canticis Sion*, super quæ scribit Gilbertus Genebrardus. *Hæc ironicos proponunt, vel respiciunt ad famam, & celebritatem canticorum Hebraicorum. Sunt enim linguarum aliis ad modulationem, & musicam emendatiores, quas omnes Hebraica vincit.* Et exponens illud, *Quomodo cantabimus canticum Domini in terra aliena*, addit. *Canticum hoc designat letum carmen &c. vel in genere canticum Ecclesiasticum, qui erat excellentissimus, & jucundissimus olim in Synagoga, & hodie in Ecclesia.* Primum ob linguæ Hebraicæ Euphoniæ, suavitatem, & consonantiam. Secundo ob ejus majestatem, ad quam nulla alia pertingit. Tertiò propter varietatem, & multipliciter vocum, idest, notionum. Quartò ob concinnitatem, & dulcedinem prosodiæ &c. adde quarto loco formam, artem, artificium, materiam caelestem, & divinam, consolationum, flammarumque spiritualium plenam &c. Hæc Genebrardus, quem sequitur Thomas le

Blanc.

Blanc . Et hæc inservire possunt pro responsione ad Joannem Salam , scribentem , solum Hebraicam linguam non retinendam post generalem Resurrectionem , quia suavitate , copia , & perspicuitate caret . Nam ex iis verbis Sophoniæ , *Reddam populis labium electum* , in cælo futuram linguam Hebræam quam, nuncupat *Labium electum* , idest , linguam , & locutionem eximiam , & pulchram exponunt omnes Interpretes , quos refert , & sequitur Cornelius à lapide , asseruntque linguam Hebræam restituendam , quæ perdita fuit in linguarum confusione , quando terra erat labii unius , & sermonum eorumdem .

Cap. 3.

Et ex iis verbis D. Pauli , *Si linguis hominum loquar , aut Angelorum* , linguam Angelicam asserunt Hebræam esse Haymo , Remigius , Cajetanus , Galatinus , & Viguerius apud Cornelium à lapide : iisque addendi sunt Vivaldus de monte Regali , & Jo. Cardinalis , quos refert , & sequitur Genebrardus , eosdemque sectatur Major , & Michaël de Palacios , quos refert , & sequitur Ludovicus S. Francisci Lusitanus , & Henriquez , & Salmeron , Franciscus Georgius Venetus , & Bonaventura Bertramus . Pro quibus aliisque prætermiſſis satis sit tantum adducere S. Philippum Nerium , qui assistens morti Helenæ puellæ , filiæ Fabritii de Maximis , post ejus obitum vidit illius animam in cælum deferri , & audivit Angelos animam deferentes Hebraicè concinere . Ita ex relatione Eminentissimi Baroni narrat Petrus Jacobus Baccius in Vita S. Philippi Nerii . Ergo

I. Cor. 14.

In Ps. 50.

In Glob.
Arcan. linguar. Sanctæ
p. 34.
L. ult. de
fin. hom. c.
27. §. 2.
To. 1. Proleg. 14.
In Harmon.
cant. 3. To.
1. modul. 17.
concent. 2.
In compar.
ling. Hebr.
& Arameæ.
L. 3. c. 2.

pro

pro Christianis morientibus verificatur Rabbiorum dictum . כְּשֶׁעָזַר שְׂחָדִיק נָפֶטֶר מִן הָעוֹלָם שְׁלוֹשׁ בָּתוֹת שֶׁל מַלְאָכֵי .

כְּשֶׁעָזַר שְׂחָדִיק נָפֶטֶר מִן הָעוֹלָם שְׁלוֹשׁ בָּתוֹת שֶׁל מַלְאָכֵי . *Cum moritur justus , tres classes Angelorum ministerii obviam ei occurrunt* ע"פ.

Ut fileam , quod apud nos legitur in libro Tobiae , & in Apocalypsi D. Joannis , quod in cælo canatur *Alleluia* , quæ est vox Hebraica , & apud Isaiam notum

est canticum Seraphicum כְּרוֹס קְרוֹס יְהוָה צְבָאוֹת *Sanctus , Sanctus , Sanctus Dominus Deus exercituum* .

Quantum porrò honorem contulerit linguæ Hebrææ Dei filius , habetur ex eo quod animam agens in Cruce , conquestus est cum suo divino Patre iis verbis : *Eli Eli , lammafabachthani* . Quibus prioribus , & Hebraicis verbis præcedentiam concessit præ sequentibus verbis Syriacis .

Me non latet interpretatio D. Epiphanii , ex Hebræis oriundi , & reddentis rationem , ob quam Christus Dominus incæpit Hebraicè , & terminavit Syriacè . *Quam verò restabat* , inquit , *non amplius Hebraica lingua , Syriaca prophetavit ; quo subverteret eos , qui Hebraicam jactant* .

At considerandum est , quod Christus Dominus maximè diligebat eos , utpote qui ex iis carnem , & sanguinem sumserat : hinc in signum dilectionis evenit , ut procul inspecta Jerosolyma , fleverit super eam ab futurum illius excidium . Similiter in horto oravit ad Patrem , *Pater , si possibile est , transeat à me calix iste* . Quibus verbis meditabatur juxta Eusebium Emisenum , seu Gallicanum futuram Hebræorum

ruinam

Talm. Tr.
נתיבות c. 12.
p. 104.

Cap. 13.

Cap. 19.

Isa. 6.

Lib. 2. hæ-
ref. 69.

ruinam ob mortem sibi illatam . Quamobrè de futura ruina condolens præ amore , quo Hebræos prosequeretur , orabat Patrem , *Transseat à me calix iste* , non utique calix passionis , pro qua sponte in mundum venerat , sed ne Hebræi excidio perirent . *Nemo putet* , inquit Eusebius , *timore mortis eum orare , ut calix passionis ab eo transferatur , cum Petro dissuadenti dicat , Vade retrò Satana , scandalum mihi es , quia non sapis ea , quæ Dei sunt . Non eum absolutè orat , ut calix ab eo transferatur , sed calix iste : quia etsi pro salute mundi mori venerat , à Judæis tamen , si fieri posset , occidi volebat . Itaque quos maximè diligebat , quomodo poterat eorundem linguam odisse ?*

Homil. in
Dominica
Palmarum .

Hæc in præsentī lectione sufficiant de præstantia , nobilitate , & antiquitate linguæ Hebraicæ , in sequentī lectione , si Auditores mei favebunt , loquimur de utilitate linguæ Hebraicæ .

EGO infra scriptus attentè perlegi Proximalem hanc lectionem de Præstantia linguæ Hebraicæ , in qua observata est à me non mediocris Authoris eruditio , & litteralis Sacra Scriptura intelligentia . Unde eam typis dignam esse censeo . Romæ ex Conventu S. Mariæ super Minervam die 29. Martii 1696.

F. Antoninus Massoulié Inquisitor Tolosanus ac socius Reverendissimi F. General. Ord. Predicatorum .

